

Kikimiye Huno **Alhoayeh**  
**Pekilivetsu** Cheni



Akumzapu Kuchouqo  
Kiphi Kichekutsu

26



**Kikimiye** huno thime thokha kumtsu kilive cheni. Totimi lakhi no li wu kimiyemi kiphi kaku lakhi philu puzu tipau lo tsaqono li ngaghaive eno phinishimove. Ikemu akiphi a tipau lo li no apumi lakhi sasu kusholukelo li ye apumi tipau kimiyewe. Li no kaku khikhi phinishimono akeu kaku tipau ye apumi tipau no yehphekeu shi aghi. Tipaji lino kaku tipau ikhipe phiju puzu ishi pi, “Ino kaku phi ighikeqo gholo kaku hipauno I ghenguno akiviu eno akiqheu” ipikeu huno kishi li kimiji kilivetsukea? Kikimiye huno ke. Titoi ishi timi kutomono Baibel ipikeuye phinishi chemo, ju angaghaikeu shi acheni. Ikemu atotiu tipau toi, kughou nono Baibel yehkipheu sasu kimiyee kilevenikeno noghi totimi tipau toi Baibel tipau phinishive nani. Nono akiphi kichekutsu hipau phijukelo pakutoshino amulo luvuive nanike phijulo.

1

## Kuchoyehsu ye khiuno yehphetsu kea?

“Kuchoyehsu lo Alhou wu kupukini nongu lau akeu ghili tungkupumiyo no kutokughoikeu lono phukideju, eno Khristo Ghungu panongu lolo achekeuno Khristo ye kiu do aghuloki lono mlanani eno ajukuvu kije lo pephe ipeghinanikeno tipaqo ghili phukidekudai ju” (1 Pitor 1:10, 11).

**Khokichile:** Amikucho lono Baibel lo kakuqo kuchopu lono Khristo ghili pipuani. Kuchoyehsu aqau lo kakuqo kumtsu lono Pa ghili pipuani. Jisu no ayeghiqha pulhosutsuke ipi thopi tsupuani (Johan 1:1-3, 14; Kolosiami 1:13-17) Ahzakutsu 10 ghi Pano yehtsu (Nehemia 9:6, 13) Paye Israelmiyo Lhou (1 Korinthiami 10:1-4), eno tungkupumiyo kichetsuno Kuchoyehsu yehphetsupe (1 Korinthiami 1:10, 11).



2

## Ayeghilomiyo shou Jisu kukumsu kiu achenikea?

“Alhou no ayeghilomi kupu kutuveke ghenguno Pa Nu Aqhuu pesu tsuve, khiuno Pa shou pulubenikeno puhamonani, ikemu alhokuthu kuxu ithulunani” (Johan 3:16).

**Khokichile:** Jisuno ikiqive kumlapu kikimiye pesu ningu kimiyee acheni ipi keu kumtsu no vethalu ani.





3

## Jisu ye kiu ghenguno ningu kimiye achenikea?

“Ninguno axinemi shi apho lono Khristo no ningu ghenguno thivetsu” (Rommi 5:8). “Ninguno Pa kimiye acheni, kughengu Pa paghino ningu kupu achenike ghenguno” (1 Johan 4:19).

**Khokichile:** Ninguno Pa kimiye acheni, kughengu Pano ningu kupukutuve puzu ningu ghenguno thivetsuke ghenguno. Ninguno Pa ghumi shi apho lono Pano ningu ghenguno thivetsuke.



4

## Kiu ghenguno kulakupu tokulu shilu eno Khristo kimihi lo xulucheni kea?

“Ninguno Pa vilo kiu khukeno ti ithulu cheni, kughengu ninguno Pa zahkutsuqo papecheni, eno Pa gizulo Pa kupulo kumlaqo shi achenike ghenguno” (1 Johan 3:22).

**Khokichile:** Akivishi kulakupu shilukeu lo thime hami mayesavekeu acheni, tiye pulube kile keu. Pulubekile aye kughuna pushu cheni, tishimaye ixave cheni. Titoi Khristomi kuxu loghi ke. Jisu zahkutsu papemayesa, Pa pulou shinike ghenguno. Titoi akivishi kulakupu shilukeu lo ghike. Jisu pulou shilukeu lo alokivi, alokughuno ithulu cheni. Thime kiu shimovekeu lono Pa pulou shimove chenikeno tipau ye qhivemayesa.

5

## Pa pulou shikeu visavili ye kiuepi Jisu no piklea?

“Tsutsala nonguno I zahkutsuqo papelu aye, nonguye I lokivi lo achenani ... Thime hipaqo ghili lno nongu vilo pi ighiveake, I lokivi nongu gholo achenani, ti shiluyae nongu lokivi ye chhitoilu nani” (Johan 15:10, 11).

**Khokichile:** Tughamino pikeuno, Khristomi kuxu kukhuayeh papekuye akuxu lo kiumu aghakiqi kuhae ipicheni. Ayehza mukamughai eno tino alikhi ashipunhavekeu shi acheni. Ikemu Jisu no pikeuye Pa yehza pape chekemi Khristomigo ye alokivino chhitoi achenani, eno kupukulaikeu kuxu lo xu achenani ipi (Johan 10:10).



## 6

## Kiushiye Jisu ye Khristomi kuxu lo papemayesakepu yehza akhotoqo kiche piyesutsu kea?

**Khokichile:** Kughengu ayhza tipaqoye:

- A. Ningu ghenguno alhokuthu lo akuxupu ke (**Zahkiniu 6:24**). Apuh aza akivimiqo ye hipau yehza pesu pano tianuliqo kivipu ghenguno kutsupiyeh acheni. Titoi Jisu ghi ayehza hipau pesu Pa nuli Pa kupulumiqo kutsupiyeh acheni.
- B. Ningu pelo axine launo putosu achepenike ayehza hipaqo qhipuatsu anike (**Leshele 119:11**) Jisu no ningu pelo Satan lichhe lo eno axine lo ikiqi ilovepemonike ghenguno ayehza hipaqo qhipuatsu ani.
- C. Ayehza hipaqo papeku lono Khristo nepa lo nesulupenike ghenguno (**1 Pitor 2:21**).
- D. Ningu lau kuchou lokivi sughitsu cheni (**Johan 13:17**).
- E. Ningu pelo Pa lau alokivishi akeu pephe piyesutsulu penikeu dokivi tsucheni (**Johan 15:10**).
- F. Ningu pelo kutami lau kichekipiyeh kivi lakhi shilupe cheni (**1 Korinthiami 10:31-33; Mathi 5:16**).

Khristomi kuxu lo Baibel yehzaqo huno Satan lichhe launo ningu susholucheni.

## 7

## Khristomiyo ye ayeghi lo lhokusaqo gholo eno ayeghi lo lokughuno lo kishi xu amayesapikea?

**Khokichile:** Pa yehzaqo lono hipau ghili alokepushi kichepiyesu puatsu ani:

- A. Ayeghi momu ayeghi lo thimeqo kimiye kevalo. Hile hami pisukuphatsu ani
  - 1) Ashi lo lakimine
  - 2) Anhethi lo lakimine
  - 3) Akuxu lo qhekuza (**1 Johan 2:16**). Axine jeli kumtsu thime hipano kuthu lono huthu acheni. Ningu pelo ayeghi lo lokughuno lo ikiqi ilovepenike ghenguno Satan no aqochhupe ningu khe acheni. Kughou ninguno ayeghi lo lokughuno phuuvenikeno ningu ye Alhou ghili kumsumaqqhoive cheni (**1 Johan 2:15, 16; Jems 4:4**).
- B. Ningukutoshi ayeghi lo lokughuno kuxu launo tukutiye kuhakeu kuxu lo xuaghimayesa (**Jems 1:27**).



# Lachile

## 8

### Ayeghi lo lokughuno kuxu ghenguno Alhou ye itehi anileshi kiu kutughutsu anikea?

**Khokichile:** Jisu no ningu lau kutughutsu akeuno: "Ayeghi lo lokughuno kuxu pape wuwekevilu" (**Rommi 12:2**). Satan ye khiu laumo sumono amtami kumo. Paye tucheche Khristomi inadanani. Tishi aghiepinamu niye Khristo vechewo (**Filipiame 4:13**) akumtoshi Satan tuchilelunani, tishi aye paye ningu launo povenani (**Jems 4:7**). Pano ningu pishiqhiluvenike ghenguno ningu ghozu akeu lo nunguno ado

kitila likhimu pa kudau ningu gi kughove aye nunguye paikhavi alaghuzu lo ilovekulupu ani. Kughengu ningu lau aghungu lo tomochohimokeye ani eno ikiqivekulupu anike. Khristomi kuchomi lakhi shinishi aye khilemu amuqo akichiuqo gholo kumsukuqha eno mlakuqhakepu kumo, ikemu Jisu tsa shou likhi puthugho chelo.

## 9

### Ningu kukumusu khekuchoputsu penike ghenguno ningu ye kiu avehushi anikea?

**"Nono omulo lo kiu kukumusu xapu anikeno noye tipauke (Aholetsa 23:7)**



**Khokichile:** Nunguye ningu kukumusu khekuto masa kughengu akukumusu no ningu ghushoghili piyecheni. Alhou ye akukumusu thwokha ninguno tshusawo Khristo gholupe cheni. (**2 Korinthiami 10:5**) Ikemu, Satan ye ayeghi lo kukumusu ningu lau sughi ni ke pukaputsa cheni, pano hi shilunikeu ye ithikulu (senses) pungu vecheo no shilu nani-akhoto no chilukeu eno ithulukeu. Pa ye ningu pelo chilu eno ithulu pe Nani, ningu no alhokuthu lachile mo aye, pano ningu sasu ililayi kiu la, shikupusa lo sawuve Nani. Baibel no mutsumushei ningu no kiu ithulu eno chilu cheni kenno tipau kimhi ve Nani ipi. (**2 Korinthiami 3:18**).

## 10

### Khristomi kuxu lo yehza hami papemaye sakepuye kiu kea?

**"Kiu kiu shi aghiepinamu kiuno kuchoukeno, kiuno xuvi kenno, kiuno amikuchoko kenno, kiuno akutsughu kenno, kiu thimeno jukighilepu kenno, kiu thimeno akivi ghili pichenikeno, tsutsala tile kiwana akimithe aghiaye, eno akishe tsukuzupushi aghiaye- thime tipaqo shou likhi kumsuju achelo" (Filipiame 4:8).**

**Khokichile:** Khristomi lakhiye pakutoshi kuchoukumo keu launo, amikuchokumo keu launo, tsughukhuimokeye, jukighilepushi aghimokeye, eno akivi ghili pimokeu launo putoso chelo.

- A.** kiukiu kumla lopimu amikuchoko shimokeu, pishikiqhi, akimiki, akupuka, mithemuzumokeu, kutami muquqhavenikeu phukeu, pipusapiputha keu, eno jechuvekeu, hipaqo kumtsu qhivelo.
- B.** Thime kumtsulo tsukhutsuvaimokeu, ashupu asalha, chepucheli dolo mithemokeu, kipitimi dolo mithemokeu, kujomokeu jutho shisukeu, kujomikeu tsa yehkulhakeu, shiputhakeu, mithemuzumokeu le phekeu, alebo ghugha gholono ilhekeu, aghungu kukuloqo lo alhokusa jeli jukeu eno hitoikeu kutauqo kumtsu qhivelo.

C. Jisu ghili kuputsamokeu a lo momu gholoye ngokevilu, tiye kijiliu kuhokumuqo ngokeu a lo, ajikijeki lo, pisakivekeuki lo, eno thime thokha shouno pokuxu pokimhe chekeu, hipaço launo putosu chelo. Ningu asuchedo hami ighono ajekipishi alephe chekeu, akighicheshi ilhe chekeu, aghungukukulo ghiliqolo, eno aghili a qolo ghiliqo lo kumsapu akeu vethajuni:



### Alebohugha gholono ilhekeu

ashilo lekipehe jeli kutomo akeu, hikumtsu Satan no iqiphekeuke. Alebo ghugha gholono ighono amulo kutsushi ilhe alephekeu lono aghungu lo kupulo hu kuhave cheni. Phujukemino pikeuno alebo ghugha kuka lo amulo tsukeu lono kiu shive chenikeno pitsu ani- (1) Kumusukutuvekeu lono aqho lo ahji achipilo qoumlave cheni, (2) Hipauno apho lo itha akeu (function) kumtsu lo shipasawove cheni (3) Hipauno ahji kughutha momu anhu kughuthaço achipilo ngomove cheni, atuthu achipilo shemlave cheni, eno ashekha loye paye kiu le phe anikeno tighi mthave cheni (4) Hipauno paikhavi shikughuzaveno alotsumove cheni. Ale mmta lono akukungu kili keu lono ini akemiço kukumusu shikughuzave cheni, ale phemono alebo jeli kuigha keu vecheo ghi timi kukumusu, kupulo eno pa kimiji kimkheve tsu cheni. Rock le kiphemi lakhi ajekipimi Rolling stones sakipheu Mick Jagger no pi, ale hipaço ini keu lo "timi lakhi philo hakutho keu ji qowu a ke toi cheni"<sup>1</sup> John Oates of hall and Oates fame no pi "Rock n Roll ye sake 99 kipti-toti dolo shi che keu ghili ke"<sup>2</sup> ale hipaço ye jisu pulou shiani ke sha? Asu-atu kumlla lono Khristomi shive keço no pi, tiqhelimi no ale phe akeu ngo ningu no ni Lhou mlla chekeu atho shi Ani ipi. Olikhi no inijulo? Tsala Jisu no o gholo ngo ayeh, noye kiu toi kiu le ini Nani kea? Ningu no Jisu kimiye ayeh ningu no ini chekeço le ghi kili ve Nani. "Pano ale kithé phenikeu ikutsupiyé ni Lhou sheqhe nikeu le, timi kutomono ti ithulu puzu ighuve eno Alhou lau pukhube keu shiwuve cheni." (Leshe 40:3). Alhou no Pau timiço ghengu ale kivi kutomo ningu shikumto, xuthi shipuxu Nike tsu Ani. Khunono kumo keu kishé nikenó panongu ye Alhou-ú kukumgha vezuve Ani.



### Ayeghilo Kighilhe

Ayeghilo jumza kiu kighilhe ye Jisu Khristo eno aghungu lau no ningu sawuve cheni, Israeli no shuna mishitsu phivilo ilhe akeu ye ajulho mlla keu ke, kiughengu panongu ye Alhou kumusunave ke (ipekulu 32:17-24) Herodias no nga no Akukau Herod zulo ilhe kiu vecheo johan baptiz shi che kiu kutsu luve tsu (Mathi 14:6-10).

### TV, Cinema eno Internet

Nono TV, Cinema eno internet jukeu lo olhoaye iqive ani keo ikuve ani kea? Tipaço ye Jisu kikimiye lo osaulu ani --- ikeo ayeghiqha gudau osauve ani kea? Tipaço ye Jisu jukuvupu shilu ani ke sha--- ikeo tughami lhoaye peqhe ani kea? Kumthami qo papu TV ngo aghungu kukulo mulakipe pipusa ani. Satan no timi asale nethi kini kughaluvono ayeghiqha pesu salha shepe, ghikhiqhe eno lajupu kuhamtheve keu kughulovhe. Phukuju lakhi lo no pikeu no TV kuha ke aye US lo ampe lo ghikiqhi 10,000 qhou ani che, timi shikuptha 70,000 qhou ani che eno hekiqhi 700,000 qhou ani che.<sup>3</sup> Jisu khiu okimiye cheni keno, Pano pi akeu no okukumsu satan lo akeu suchile sasu Palau ighilo. "Ilau xaideghilo, eno xaluve pelo, ayeghi qhalo timi ake qo" (Isaya 45:22).

<sup>1</sup> Newsweek, "Mick Jagger and the Future of Rock," Jan. 4, 1971, 47. <sup>2</sup> Circus, Jan. 31, 1976, 39. <sup>3</sup> Newsweek, "Violence, Reel to Reel," Dec. 11, 1995, 47.

# 11

## Ninguno Television junikelo Jisu no kichepiyesu puakeu (guide) lakhi akeuye kiukea?

Ashilo kumla mutsumishei kimichiphevetsu ani, tipaqoye ashupu asalha, mithemuzumokeu, ashi lo lakimine, ajulho kumlla, tumukeu, kimithikeu, kutsala keu, anhekushu, akutoshi ajuajeh lunishikeu, kupulokile mlano kichighi mutokeu, hebidekilekeu, juminekeu, ghiqhi heqhikeu, chumuzu shomuzukeu, aghukhashikeu, eno nibonilei keu ghulhu shikeu, hitoikeu kumla shichekemiye Alhou kukaqha mheghi ighilumonani” (Galatiami 5:19-21).

Kiukiumu junikelo achipiu junikeu kichekutsu ghili injulo, “Ino I lokughunoshi ju akeulo Jisu ye I gholo jukuqha anikeo mokeno injulo.”

**Khokichile:** Kuchoyehsu lo mlalei vethapimivekepu kutomo ani. Kunguu pi ighivekeqo TV. Programe lo aghiaye tipaqo jumono qhivemayesa. Tsutsala Jisu no ningu xuju ighikelo Pa ye kiutoikeu junishi anikela injulo. Khristomiqo ghenguno hipaqo ye jumovekeuno akiviu.

# 12

## Ishi timi kutomono pano kuxu lo Jisu sumopimu momu kutamino pano vilo kiumo pimopimu pano kutoshi aghungu lo Xakuthami shikulupu anike ipi acheni. Timi titoikemiyo vilo Jisu ye kiu kishi pipuanikea?

Ino TV. lo programs junikeu kishelukeuye I kukumusuu kiqi lono kumo, ikemu Kuchoyehsu kiqi lono kishelumayesa.

**Khokichile:** Hile Jisu no kimighikumlapu tsa piqhi puakeu injulo. Ishi ninguno hile shi akeu toikeu nongu ye khilemu shikepukumo- kughengu kutomono “pano nhethilo kiuno achipike ipi ithulukeno tipau shi, pi, eno mla acheni” (Zahkiniu 12:8). “Timi lakhino hino achipiu laghike ipieno pula acheni, ikemu ashekha loye akithipu laghi shive aghicheni” (Aholetsa 16:25). “Kughengu timi lakhino pa nhethi lo kiu ithulukeuno tipau no achipu laghike ipieno ti pula acheni, ikemu alokutsumi ye akukutsu tsa ini eno tipau papecheni” (Aholetsa 12:15). “Ikemu kughuzumi no pano mulo thono moe ipicheni” (Aholetsa 28:26).



# 13

## Ningu kuxu lo zukusu laghi akhoto kukutsu Jisu ye kiu ningu tsupuanikea?

**“Khiuno l puluchekemi qo gholo akuu momu akitilau lakhi pelo axine shivepenikeno pa ghenguno athikutsughu tu pa kuo lo thsuqhipuno azughi lo ilovekeu pavi” (Mathi 18:6) “Timi khiu pelonomu pa thikuzuu laghi lo apukhu kupusupu tu qhitsuno pa pelo tipau pusukukhope iluqivepe kevalo” (Rommi 14:13). “Nongu khiumu pakutoshi xu achenike kumoke” (Rommi 14:7).**

**Khokichile:** Ningu kumtsuno sakiphemi, timiqo zusuluvechekemi, kichekipi ye akivi timiqo zulo qhitsu chekemi, eno alokutsu lo zusulukemi ju acheni. Ikemu ishi ayeghiqha hipaulo ye luthu lakhi shou amakho betsukeu hu putsumoveno aphukumughupu shi pishikiqhi kumla u shiuev ani. Jisu no akhotoshi Pa papemi Khristomiqo lau kutughutsu akeuye pututa wu zukusu kivi eno kichekutsu kivi pighi akeu kughuchoveno kungugha kukaqha launo timiqo sabidevetsu akeulo kumsapu akeu kutughutsu ani.



## 14

## Jisu ye aphemini pepukeulo eno achiku achipu pesu tunatunu shipukeu lo kiu kishi pipuanikea?

### Khokichile:

- A.** Aghibiu pepulo (**1 Timothi 2:9, 10 lo phijulo**) Ashi lo lakimine, anhethi lo jukimine, eno akuxu lo qhekuza (**1 Johan 2:16**) huno ayeghi lo xukupusa ningu lau suighive acheni ipikeu kumsulu chelo. Aphemini aghibiu pepumo vekeu lono thime hipano kuthu lo ikiqi ilove cheni.
- B.** Achiku-achipu pesu ananu shipukeu- tiye akini lo kighichekeu, anigi vupheveno tipau lo khadapukeu, akuo lo niku, aw loti khapukeu- akumlau lono axamunu kighichekeu, achi nichekeu, anigi lo kighichekeu eno anguthi, hipaqa qhivelo. Hipaqa shikeu ye “aqhekuza” piyesukeuke. Jisu papemiyo ye panokutashi ithulu aghimayesa. Pa juakoghe kivi huno kutami lau akuvu Piyekusu aghimayesa (**Mathi 5:16**). Achiku-achipu pesu ananu shipukeu lono alikhi asuqhekeu, aqhekuza sughive cheni. Baibel lono pi akeuno, hitoikeu lo kuxumiye kuchou launo idewove cheni eno alaghuzu kuxu lo ilove chenike. Kichekipiye lakhi: Jacob no bolomiyo ye pano kuxu pesu Alhou lau xaide ighive. Panonguno achiku-achipu pesu ananu shipuchekeu hu xaqhiveno pesu ayeghi lo chhuqhove (**Bothubo 35:1, 2, 4**) Israelmio no tushokiqli yeghi lo ilomphi zuuno Ampeu no panongu vilo achiku-achipu nanuqa luqhivelo ipi ahzatsu” (**lpekulu 33:5, 6**) Alhou no **Isaya 3:19-23** lo Yekikithi paqueu nhemughaqa-akuo lo achi nichekeu (achi), akini lo kighi chekeu-axamunu, eno anguthi kumtsu luqhivelo pi ahzatsu. Hipaqa pepukeu lono Pa wu timiqo ye Pa gizulo axine shive ani (**ajo 9**). **Hosiya 2:13** lo Ampeu no pi akeuno, “Pa wu timiqo no Pa qhivkemtsa achiku-achipu pesu ananu shipuve cheni” ipi. **1 Timothi 2:9, 10** eno **1 Pitor 3:3** lo Akhopeu Paul eno Pitor pama no pi akeuno, “Alhou timiqo ye panokutoshi shuna eno achikuqo pesu amekusho nanu shipunikeu lakha ani.” Panonguno amekusho nanu pepunikeuye “akumtsa akughuvu, eno iqunheikeu ghungu xapulo ipi Pitor no pi ani (**1 Pitor 3:4**). “Akumla kivi mlalo” ipi Paul no pi (**1 Timothi 2:10**). **Piyekusu 12:1** lono Jisu no hipaqa kumtsu xukuqhape atsa lakhi lo pekughukho puatsukeuno, “Tsughukhuikeu totimi lakh khetsunhe wu akeu toi, Jisu kuvu eno Pa mikucho pepulo ipi. Kichileu eno alaizuvekeu tuqhaliu ye shuna pesu, akughuputuqo pesu, eno achikuqo pesu li nanu shipu (**Piyekusu 17:3, 4**). Tighenguno Alhou no Pa wu timiqo vilo li qhiveno ipeghivelo ipi ku ani (**Piyekusu 18:2-4**). Panonguno Ampeu Jisu mikucho pepukepu zuqhulo shuna eno achiku pesu pano nanuqo mlano tipaqa pepuani. Nnguno Jisu kimiye aghiaye Jisu kupulu nanu pepuno Pa gholo alokughunoshi xuaghimayesa.

# 15

## Xachilekulu lo ilonike ghenguno kiu mlamayesa eno kishi aghokulu kuxu lo xuaghimaye sakea?

**Khokichile:** Khristomigo no Alhou ghokulushi akumla shikeu lono Jisu Khristo no ningu xaluvekeu kimichitsu ani (**Jems 2:20-26**). Kuchouno timi lakhi ye pa kuxu ghola eno lhoayehqo pekilimokeloye paye kuchouno amulo pekiliveake ipi kihimla. Kuchouno pano mulo pebidevekemiye Jisu pulou shitsukeu lono pano kuxu lo alokivino chhitoi acheni, eno Pano khilau sasu wukeno tilau Pa papesu wuve cheni.

### Ajulhoqo mllamonike kutokupuilo

Johan yehsu atighiu lono Khristomigo kumla kughutha ghili kiche piyetsutsu ani. Pa tsa ashekha lo (**1 Johan 5:21**) lo, Jisu no Pa qeu vechewono Pa wu timiqo vilo ajulho jeli mllakeu launo kutokupui achelopi kutughutsu ani. Hile Ampeu no pi akeuno, thime kiu kiu shi aghiepimu khikhino ilo ninguno Ampeu kimiye akeulo akupuna tsuve akeye-tiqhelimiyo koghekughu, akuakini phukeu, ananu shipukeu, alhokusa kukumusuxapukeu, eno tinguno alau kutauaqo, hipaqo launo putosu chelopi ani. Kuchouno amulo pebidevekeu lono pithi chekeu xathi eno tipau visavili ye alokivishi Jisu papeno Pa kuxu kimihi lo xuaghimayesa.



# 16

## Ishi Khristomigo no xu akeu kuxu ghola ye achipike ipilunani keshea?

**Khokichile:** Moe. Tishi pimlae. Jisu no pi akeuno, Alhou wu thimeqo ye ayeghiqha gizu loye aghuzuanikha lakhi toike, kughengu ayeghi lo timiqo no aghungu lo ghili kishekututa s himlake ghenguno" (**1 Korinthiami 2:14**). Jisuno Pa khopemiyo ghenguno akumla kutope qhitsu, eno akumla tipau mlanikeu yehza ghi mlape qhitsu, Pa Ghungu pelo panongu saphe pe eno kichetsuno mla achenipe. Pa wu timiqo ye alokivishi eno aghokulushi Pano kutsupiyeku papeno Pa kumla shi acheni. Ikemu akichiuno hipau ghili vethaluchemo eno ikhiluchemo.





# 17

## Timi lakhi ye Jisu no kiche piyesukeu kumlaqo tuchileveno kungugha ithulunani keshea?

**Khokichile:** Timi hitoikemiqono kungugha lo ilonikelo ighono akijikusa shinani, kughengu kungugha lo ye ayeghi lo toi putho hohoki kuha, kujomokeu julho eno tipau ghili yehphekeu kaku kuha, asalhaki kuha, ashiahji pulou lekiphe a kuha, shiputhakeu a kuha momu pisa kivekeuki mu kuha. Tighenguno amulo kuchouno Jisu sasu kuthsukime chemokemiye pano kungugha lo ilolu kithishinamu pa ghenguno kungugha ye qeti amiyizu lakhi toinani, kughengu pano kuxu lo Khristomi kuxu lhoayeh kukumusuu kuhamitheke ghenguno **(2 Korinthiami 6:14-17).**

# 18

## Achupilono xathalumo pinamu niye Baibel lo kichekutsu hipaqo papelu nanikeshea?

**Khokichile:** Nonguno kiu mlanikeno tikumtsu lo akimiji ghieno mlamayesa, eno tipau lono Jisu kikimiye pephetsu mayesa. Pa yehza pape eno Pa pulou shitsukeu lono **(1 Johan 3:22)** ni kuxu vechewono timiqo lau Jisu ghili pephepiyese mayesa **(Johan 12:32)** Tishikeu lono timi kutmo sunhesasu Jisu lau ighilunani. Hile ninguno injumayesakapu akhoto lakhi akeuye, "alekiphe, chu-shokeu, TV. jukeu, aghungu kukulo piyesukeu, kaku jeliqo phikeu, eno kutau kutauqo shipiyeku lono Jisu gihu ani ipilunani keshea?" Ni kumla kughutha kumtsu lo eno ni kiche kumtsu lo Jisu nhethe (presence) ani ninguye Pa nhekithe lo ani. Kughou ninguno Pa gholono ni do puwovenikeno ningu ye Pa miviuve- mihiuve nani **(2 Korinthiami 3:18)** - Hitoi shikeu lono ni homxape akeqono timi hipaqoye wovekeu lo akhope miqo toi mla ani ipi ningu ikhilunani. "Panonguno shishe akichiqhive, timi hipaqo ye kuchouno Jisu gholo achekeki kena ipi vethaluve" **(Apostolmi 4:13)**. Wovekeu lo Khristomi tipaqo ye Pharisimiqo toi aha-ayeh shimo, ikemu pano muloki lono ipeghieno kuchouno Jisu pape cheke. Aqau lo timiqo ye panongu Lhou kuchou launo alaizuukhave, kughengu panongu Alhou ghili kumthami panongu suhope akemiqo kuxu lhoaye eno pano chineh kukhuayehqo papeuve. "Panonguye Alhou no kichetsukeu kuxu lhoayehqo papemove" **(Zahkiniu 31:16; Xakuthami 2:17; 1 Yekikithi 5:25; Ezekel 23:30)** Titoi ishi nachumiqono shi ani. Ishi tiqhelimiyo ye "timi lakhi ye Ampeu kini qemlae" ipikeu ghili ithimovea **(Mathi 6:24)**. Khiunogo no hipa yeghi lo kuxu lhoayehqo papeuveakeno Satan no asheshino panongu zusas pa pulou lo ilovecheni, eno panongu pelo pekipheshi kungugha tuchilevepe eno puhavekeu lo ilovechenipe. Titoi Jisu no kichetsukeu yehzaqo pape eno mlachekemiyo ye pano lhoayeh, pano kuxu, pano ghilisuqe kumtsu pekililuvono Jisu julho kimihi lo iloghive cheni, eno kungugha ghenguno kutokithiluve cheni. Hi ithilo, tile amtami kuha nani. Xalunikeo xalumokeno tikuma likhi anani.



# 19

## Khristomi lakhi kuxu ye alhokuthu alokivi eno azukuvu likhike. Noghi Khristo kikimiye lo iloghi puzu Pano kichetsukeu yehzaqo papeluno alokivi kuxu lo ighinishi anima?

**Nono khochilenikeu:**

# Nono Iniju Keu Khochiletsu Ani

## 1. Niye kiutoikeu kuxu lo xuchemaye sakeno Alhou no kichetsukeu nighi ithivea, ikemu ishi kutolo titoi xunikeu huthulumphi. Noye tipau lo akukumusu kiu I tsulunanikea?

**Khokichile:** Ishi nguno tipau huthuvelo! Okukumusuqo shou bepe ngoakevilo. Alhou no Kuchoyehsu vechewono olaghi kichetsu anike (**Isaya 8:20**) Ado akichiu lono akukumusu no ni sasu alaghuzu lalo wuve cheni. Judahmiqo no Jisu ghiqhiveni ipi kumsuve, eno kuchouno panongu ye akipimi kumla shive. Kutomono panongu ye Jisu ide ighimphi zuuno xalunenike ipi kumsu acheni, ikemu panongu xalunikeu kumo puzu panongu ye puhavenikeu lo iloveake (**Mathi 7:21-23**). Satan no hitoikeu kukumusumi timi lolo muzusuvetsu acheni. Tighenguno khilemu ningu kukumusumi shou bepe ngoakevilo. Ningu kukumusumi tipauno ningu sasu puhavekeu lo ilovenanike.

## 2. Niye kiukeno thime lakhi ye shinishi acheni, ikemu kughou lno tipau shinikeno timiqo no niye alhokusa shi aniepi I vilo pinikeu msacheni. Niye kishimayesakea?

**Khokichile:** Baibel no pi, "Alhokusa jeli kumtsu launo putosuvelo" (**1 Thesaloniami 5:22**). Akhopeu Paul no pikeuno, "tsutsala pano ajulho mllaveku chuqu chuveaye paye kutami pukhu pusuvetsuake, tighenguno paye itehiye titoikeu chuqu bumake ipi" (**1 Korinthiami 8:13**) Pano itaghi pikeuno, "Tsutsala pano kutami lakhi kukumusumi thave ghi ashi chuqu chuve aye paye axine shivae ipi; ...

## 3. Akukuhomiqo no mlamayasakepu thime kutomo yehpe ghi eno mlamokepu thimeqo ghi kutomo yehpe qhipuachenin eno niye khikhiu shinikeno mthave cheni. Jisu pape keu likhino kuchou shinani keshea?


**Khokichile:** Iye. Jisu papekeu likhino kuchou shinanike. Jisu papekeu lo timi lakhi ghenguno akiqi lakhi ani, eno kutami lakhi ghengu ghi akiqi kutau lakhi ani. Tile Jisu papenikeu lo akiqi lakhi akeuye Jisu no Baibel lono no injujuke kiu anikeno tipaqo phujulo. Jisu zahkutsu kimiyeqhiyi pape chekemiqo ye ghulo lakhi loye Pa kukaqha lo ilolunani (**Piyekusu 22:14**) Ikemu timino mlape qhikeu yehza pape chekemiyi Pa kukaqha lo sasumonani (**Mathi 15:3-9**).

## 4. Alhou yehza hamiye kiumu akiqi kuha eno kiumu amekhamu kiushiye tipaqo pesu ighono akhotoshi achenikea?

**Khokichile:** Akiqi tsa lo, apuh azano anuliqo vilo, "alaghila lo iliukevilo" ipikeu anuliqo ye kiumu akiqi kuhakeu eno ame kuhakeu shivetsu cheni. Ikemu athiu tsalaqo loye apuh azano pikeu tsa tipauye ighono amekua lakhi shi ikhiluve cheni. Alhou gizu lo ninguye itimi kititigo toike, kughengu Pa kukumusumi ye kungugha no kiutoi ningu yeghi nguno kumzapu qhemughakeno titoike (**Isaya 55:8, 9**). Tighenguno Pano ningu vilo aqha laghila lo iliukevilo ipikeu gholukepu ave hu shi ani. Kughengu Pano ningu pelo tile iliu penishimokeu akiqi ani. Paye Pa wu timiqo launo thime kiumu suchileluve chemo (**Leshele 84:11**) Kughou ninguno ningu mulo kuchouno Jisu kimiyevenikeno ningu ye Pa shou lipikeu kiumu kuhave nani, eno Pano kiu ghenguno ningu vilo shikevilo ipi anikeno tipau ghili vethamlapimu nguye Pa kupulo shitsunani. Hipau shilunikeu tsapi (key) ye punu kitevekeu ke. Ninguno Jisu lau punukithe (new birth) luve aye Pano ningu vilo kiu shilopinikeno khilemu milivemonani. Baibel no pikeuno, kughou ninguno punukitheluvani keno ninguye ayeghi lo kuxu theghiveno ningu kuxu pekilive puzu Pa shou pulubeluvono alokivishi thime kumtsu lo Jisu papeuve nanike (**1 Johan 5:4**) Pano ningu xalunanike ipi Pa shou pulubemlavekeu kiquye ninguno Pa papenikeu tuchilevekeu ghengunoke.

## 5. Jisu kikimiye kukhuayeh, ayezza, eno ahzakutsuqo lono niye allah (gain) shilunani keshea?

**Khokichile:** Tye mutsuqheikeu ke. Jisu no tsukeu yehzaqo, eno ahzakutsu kumtsu papekeu lono pulukumlapu kukumugha olau leghitsukeu nono ithulunani. Alhou no Pa nuli aghokulumiqo lau kukumugha leghitsukeuye nono ayeghi lo kutukakulu (lottery) iluukelo xulhe lo akiqheu tokulu mekua saxu ithulukeu nguno alau akijue eno akiqheu lakhike.



## **Nono Jisu zahkutsuqo papekeu lono allah shilunikeu hipaqo ani:**

1. Jisu ye o Kusau kuchou lakhike
2. Jisu ye o lhikishi lo osasu mlakuqha chekeu lakhike
3. Jisu ye nono akipimi kumla mlavekeu launo okhaqhiphe kuluuke.
4. Jisu no akukumusu lokughuno pesu otsu cheni.
5. Jisu no okumsaqo kumtsu shipuhavetsu cheni
6. Jisu no piphekumlapu lokivi pesu otsucheni.
7. Jisu no oxupushutsu cheni
8. Jisu no kungugha lo oghenguno aki kutopuatsu anie.
9. Jisu no ashiahji kivi otsu cheni
10. Pa lau kiu mulokusapumu kuha.

Akua-kini ghili kuputsaju kelo kuchou Khristomiqo ye pano pa Puh kungugha lo kuauno akuakini pesu pano tsuchekeu phuju kelo hipa yeghi lo kini ye tipaqo qhuqhimlakepu kinikulu shi akeu phulu ani.

### **6. Hi akuxu ghola kuputsa akeu ghili pesu niye kutami viloghi pinikeu pichepuanikeshea?**

**Khokichile:** Ninguno shimayesakepu akhotou eno akiviye ye ni likhi ni kuxu pesu aghola akiviye lo qhipuaghimayesa. "okutoshi ophujulo" ipi Baibel no pi ani (**2 Korinthiami 13:5**). Nono niye hipau ghola lono xuni ipieno xucheghi aye tipau lo iqunheikeu lono xupe kutami Piyekusu keuno akhoto kethono aqo lo ithuno pi akepu vehu kuha. Kuchouno apuh eno azanoqo ye pano ti anuliqo pelo Jisu kuxu pepuno xuchepenike shika kepu vehu akhoto ani.

### **7. Ishi Khristomiqo ghenguno kumsapu akhoto lakhi akeuye kiukea?**

**Khokichile:** Khristomiqo ghenguno kumsapu kije lakhi akeuye aghokulu kijevekeu. Khristomi kutomono pano mulolo kikimiye kijeve acheni. Pa mulo tuxa no Khristo tsu acheni, ikemu tuxa ye pesu ayeghi lo lokughuno lo tsuvecheni. Paye Khristomike ipi atsa ye pi acheni, ikemu pa mulo ye ayeghi lo kini kudau qhive cheni. Khristomi kuchou lakhi shini ipi aye khilemu titoi shikepu kumo. Jisu no pi akeuno, "Khiunomu ampeu kini qekumtsa mlae" ipi ani (**Mathi 6:24**).

### **8. Timiqo no ahzakutsu papekeu lo pano mulo lo ayezhza lakhi (legalism) toi mla achenikehu tiye kishinani kea?**

**Khokichile:** Timi lakhino akumla hipaqo mla aye xalunanike ipi kumsuno mlanapi aye tiye kumokeu shiauvea. Kughengu xakulu ye akichiqhikepu lakhi shi ighinani, hipau ye Jisu no aghotsukeu lakhi ke. Akumla kivi shikeu lono xakulu ithulu ipikeuye xakulu kuchou kumoke. Ikemu kuchou xakulu lo ilonikeuye Jisu papeno Pa kuxu kimihi lo xukeu lono xalunani kethono pano kuxu lo ayezhza lakhitoi shimaye saputsa ipikeu ye xakululo ilolumonani.

### **9. Khristomi kuxu ghola lono Jisu kuu pesu yepuvu tsulo ipi akeuye kishi kuthsukime anikea?**

**Khokichile:** Tiye mutsuqheike. Jisu no pi akeuno, Khristomi kuchou lakhi ye akuvu lakhike ipi ani (**Mathi 5:14**). Pano pi, "O kuvu pesu timiqo yepuvutsulo, tishi aye timino okumla kivi ithuluno o Puh kungugha lo kuaa jukuvu shitsunanike" (**Mathi 5:16**) Noye akuvu sutsa chiluchemo, ikemu onhethino akuvu ithuluchemo! Timiqo no Khristomi kuchou ithulu chekeuye pa momu li kumla kivi lonoke. Aphimini pepukeu lono, chuqukusho lono, kuputsa kutsatsakeu lono, alhoayehkivi piyesukeu lono, kikimiye piyesukeu lono tshughkuhikeu ghili suqe lono, kikimiye kumla lono, eno amikucho kumla shikeu lono ithulu cheni. Hipaqo shikeu lono kutami sasu Khristo lau ighilu cheni.

### **10. Khristomi kuxu gholaqo ye msheshomheghi (cultural) ke kumokeshea?**

**Khokichile:** Pekishe eno pape chekeu kukhuayehqo ye kilive cheni. Ikemu Baibel lo kuvu kukhuayehqo ye khilemu kilimono tishi pekishe pape chenani. Kughengu "Ningu Lhou tsa ye alho lo tishi puthughu achenani" (**Isaya 40:8**) Khristo kukuhou ye timi papenikeu kumo, ikemu timi saphenikeuke. Pekishe chekeu msheshomheghi (culture) no akukuhou kupughu shitsunikeu kumo, timi lhoayeh eno timi kukumusu loye Khristo kukuhou peithamla. Ikemu Khristo wu tshughkuhikeu kukuhou no timi kukumusu peitha nani. Xu akeu, pi akeu, ju akeu, eno mla itha akeu kukuhou lakhiye ayeghi kuxu ghola papemonani eno tipau launo akukuphu lumonani, Jisu no Pa wu timiqo lau mutsumishei

keu tsape tsu ani, "I wu timiqo, li qhiveno ipghivelo, eno nongu kutashivelo, mithemokeu thimego ye bukevilo, tishi aye lno nongu ikhilunanike" (2 Korinthiami 6:17). Jisu kukuhou ye khilemu ayeghi papemonani, ikemu tipau lo kuxu theqhivenani. Ishi ayeghi lo lokughuno kuxu hipauno timi lhoux billion kutsavetsu ani. Akukuhou ye khilemu ilo tipau lo kitimemonani. Akukuhou ye qhemghai eno chuqumughai puthughono kikimiye tsa pesu Jisu tsa inilo eno Pa kuxu ghola papelo ipi asheshu ani. Tipau sutsa chilukemiye Jisu kikimiye lo iloghivenani eno Jisu vilo pano kuxu ghasuluvetsulopi khunani. Tile Xachilekuluu no akichiqhikepushi panongu kuxu pekilivetsuno sasu Alhou kukaqha lo ilovenani. Tile kungugha kukaqha lo ilolukepu laghi kutauye kuha.

## 11. Akighilhe (dancing) kumtsu ye alhokusa kumoe. David ghi Ampeu zulo ilheke kumokeshea?

**Khokichile:** Akighilhe kumtsu ye alhokusa kumoe. David no Ampeu zulo ikau eno ilhe keuye Pano kumughatsukeu ghenguno Alhou akishe tsukeu shike (2 Samuel 6:14, 15). David ye pakutoshi ghi ilhe. Pitor no Ampeu Jisu jeh lono aphi awu kithiu shipivitsukelo pa lokivi launo kaka ilhe, titoi David ghi ilheke (Apostolmi 3:8-10). Ampeu Jisu no shikighimeku lo akemiyo vilo titoi alokivishi ilhelo pi panongu shikumtotsu (Luk 22:23). Ikemu Baibel no lakha akeuye akighilhe titoikeulo kipitimi totimi kumtsa awu kukusupe ilheke lono ju alokileve puzu akibo ixavekeu shive cheni. Tighenguno titoikeu kighilhe ye lakha ani. Khilemi ashilo lakimine kighilhe ye shikevilo.

## 12. Kutami akipimi tsughi aghili kughakeu lo Baibel ye kishi pipuanikea?

**Khokichile:** Kughathabekevilo tishiaye oshou kughathabemo nani, kughe ngu nonguno kiu kughakutha pesu kutami shou kughathabekeno tipau pesu nongu shou kughathabenani (Mathi 7:1, 2), eno nongu kipimi qhitsumo nani. "Timi khiuno opelo kughakutha shipekea? Kughengu nonguno kiu kipimi pesu kutami shou kughatha anikeno tiye olikhi oshou kughatha anike, kughengu noghi pa sasu aphiphishi mla achenike ghenguno" (Rommi 2:1). Hipau ghili kishieno mutsumishei ithulunani kea? Khristomi khiuno kutami shou kughatha anikeno khilemu pa kipimi qhitsumonani, momu paye amikuchoke ipi khilemu kihisumonani. Kughengu Jisu likhino Kughakuthauke (Johan 5:22). Kughou nonguno kutami shou kughathanikeno tiye ningu ye Khristo wu kughakutha lakhu suxa auvea, eno tiye ninguye Khristo ghumi shi auveake (1 Johan 2:18). Hiye kuchouno kumsu thonheiju kepu akhoto shi ani.

**Hilehi okukumsu eno injuakeu pitsulou**

## Akiphi kichekutsu hipau ghi akiphi 27 gholo lakhike.

Akiphi kumtsu lo akumzapu kuchouqo no chhitoi ani, hipauno no eno no kibolomiqo kuxu pekilivetsukulupu anike. Akiphi lakhimu vezuve kevilo.

- Akiphi kichekutsu 15: Khiuno Khristo ghumikea?
- Akiphi kichekutsu 16: Aqha lono kungumi tsapeqo
- Akiphi kichekutsu 17: Alhou no akupughuqo shi
- Akiphi kichekutsu 18: Ado achipi lono! Tungkupu sukusu piyetsu
- Akiphi kichekutsu 19: Ashekhau kughathabenikeu
- Akiphi kichekutsu 20: Tughashi michipu
- Akiphi kichekutsu 21: Baibel Tungkuputsa lo USA
- Akiphi kichekutsu 22: "Totimi" kutau lakhi
- Akiphi kichekutsu 23: Khristo nipu-kulaliu
- Akiphi kichekutsu 24: Alhou ye ayepukighithimi eno akuka kutau pe akemiyo lau muzusutsu keshea?
- Akiphi kichekutsu 25: Ninguy ye Alhou shou pukhu anima?
- Akiphi kichekutsu 26: Kikimiye huno pekilivetsu
- Akiphi kichekutsu 27: Ide ighima

Noye niu Akiphi Kichekutsu-u 14 ithuluvama? Ithulu mono aghi aye, akiyeh tsülo:

Amazing Facts India, Post Box No 51, Banjara Hills, Hyderabad-500034

Kimiyepe Summary Sheet hipau kishékha mphí zuwuno akíphi phíjúlou. Khókíché kumtsu akíphi kíkékutsu lono íthulúnani. Chéjuno achípiu khókíché lo sutsulo. **Akíkíhi parentheses lo píyepuákeu (1) no khókíché achípiu ke.**

**Form típaú píchiveníkeu ghénguno kímíye pu “Adobe Reader” peithalo.**

- 1) **Kughou lno Jisu kímíyeveníkenu níye Jisu kíkímíye yehzáqo pápekeu lo Imulókíqí shínani (1)**  
lye Moe
- 2) **Jisu kuxu ghola pápeno xukeu lono níye xaluvea, eno Pa kímíyevékeu ye ayehzá lakhi toivae (1)**  
lye Moe
- 3) **Baibel yehkípheu kuchou ye Jisu ke (1)**  
lye Moe
- 4) **Ni ghakhu kímíye kevílo ípi keu kqí ye (1)**  
Ni ghakhu kímíyelo píkeuke  
Ayeghíqha ní wu (planet) hípaú kímíye kevílo ípíkeu kíkíqé’  
Axíne, ayíkusa, eno míthemokeu laghíqo, eno ayeghí lo thíméqo kímíye kevílo ípíkeu kíkí ke
- 5) **Jisu ye kushíye ahzákutsuqo, ayehzáqo, eno akukhuayehqo kímíchípe qhítsúkeá? (5)**  
Alhókuthu lo níngu ghénguno akívípu ghéngunoke  
Níngu pélo kutámí lau kíkékípíye shítsu péniké ghénguno ke  
Nínguno ílílaí xúchékeu íkshísuúve tsuníyike  
Níngu pélo Khristo népa lo nesughí chéchépeníké ghénguno ke  
Axíne láuno níngu xaphelúveníké ghéngunoke  
Níngu pesu Pa wu loqu qhólo qhíveníké ghéngunoke  
Níngu sasu kuchou lokíví lo ígníníyike
- 6) **Khristómíqo no Xakuthámí shíeno pápémáye sákepu kukhuáye kíní aní (2)**  
Baibel no kíu pípuáníkenu tí phujulo  
Akúkuho lo kíkímpí qóno kíu shí aníkenu tí chhéjulo  
Ouíja board sasu kígíhíní kílilo  
Okúkumusu kíkí lno shílo  
Jisu ye kíu mláchékeno okútoshí íníjulo
- 7) **Satan no akúkumusu 5 véchewóno níngu lau mla áchení (1)**  
lye Moe
- 8) **Hí áqhou Khristómíqo no mlákepúshí ákeu Yekíkíthí puákeulo Jisu ye kíutoíkeu kúkútsu tsa tsu eno kíché píyésztsu kúeá? (5)**  
Nínguyé kíshí áphímíní pépumáyésákeá?  
Áshíahjí akívíshí xúchéniké  
Ní phímípi shou anánu shípúkúkeu  
Ámpé bídídí ghílí (olympic) lo akúsu péno avu shou ídíúkeu  
Akúchu eno akúsho lo  
Akíyeyé lakhi lono yéúkeu  
Akí lakhi qhulúkeu  
Kíképíyeyékeu eno zúsulúvekeu
- 9) **Xáchílekúlu kumla lo akúmíla ngo ághókúlu kuma dolo kíshí kúthsúkímé ánkeá? (1)**  
Akúmíla eno ághókúlu ghénguno níngu xalúkeu  
Xalúvekémí lakhi ye akúmíla eno ághókúlu kúghúchóve pínamu kúngúgha lo wúníké kutóluní áphí  
Akúmíla eno ághókúlu húnó tímí lakhi ye amulo pébídevea momu púnúkíthelúvea ípíkeu kímíchítsúkeu ke
- 10) **Jisu no l vílo thímé kíuána péve momu qhívelo ípíkeu ye achípu eno áchíku pesu anánu shípúkeu, Rock lékíphe momu akúkumusu shípúsávekeu TV lo Píyékúsúkeu júkeu, hípaqo ye ájulho kumlla sasu áphípíhíke ípí Alhou no pí aní (1)**  
lye Moe
- 11) **Khristómí lakhi kuxu ye kulákupu álokeshí shílúkeu páphíke, eno típaú tokúlu shílúkeuye lno kíhu kímíye aníkenu pá mulo kíkípu shítsúníkéuno ní kímíjike (1)**  
lye Moe
- 12) **Hí áqhou tsupuákeu thímé lono Satan no níngu sasu axíne lo ílove chékeuye khipáqokeá? (3)**  
Pánongu láuno Baibel kúsúvetsu  
Akúxu lo qhékuza  
Átsápeqo átsútsu lo yehpe qhítsu  
Áshílo nhékúshu  
Ánhéthí lo lákímíne

13) Ni kukumusu khekuchope anikeuno ighono akhoto, kughengu kiu kumsukeno tipau akumla lono pephe ipeghive chenke ghenguno (1)

Iye Moe

14) Aghokulushi momu pulubekulushi Jisu papekemi lau hami tushoqhi puakeu hi aqhouno Kichepiyesu ani (7)

Noye kishi tungkuputsa pinikeno ithinani  
Noye axushunani  
Noye piphekumlapu lokivi lo alovi achenani  
Noye ashiahji akiviu lo xu achenani  
Okutsusaqo khilemu mbamo nani  
Noye pisa asale asale kipighimi shivenani  
Oghenguno kuchouno kungugha lo aki lakhi kutope qhipuatsu ani  
Noye akumsa launo ililai luvenani  
Jisu no o wu luthu Kusau lakhi shiluve nani  
Noye okukumusu alokughuno shinani

15) Tsutsala l kumla lono Khristomi kutami lakhi pukhu pusuvetsu aye niye kiu shimayesakea? (1)

Palokutovelo, khiumu khii lovepiqitsu mlake  
Luthu luthu shieno kichighi julo

Pa sasu akusami shilovenike pukaputsalo Akukuho lo kihikusumiyo vilo titoikeu kumla launo tshughuvilo pilo Apukhu kupusupu kumlaqo ye shikevilo

16) Baibel lo kukutsutsa inimono pa ghoshi xuchekemi vilo Jisu ye khiuepi pa kuchenikea (1)

Aghoaghoshi kumsu chekemi lakhi ipi kunani  
Alokutsumi ipi kunani  
Kughuzumi ipi kunani

17) Jisu no Khristomiyo pelo Pa toi xuchepenike kichepiyesu keu tuchileve kemiye (1)

Pano kungugha lo ilolukelo paikhavi lono aghungu lo thimeqo kimiyevu nani Akimithe phughi lo iloveke thiu atsala hami thiuye pa mulo kumkaqo hu kilive nani Kungugha ye pa ghenguno azukuzu a lakhi shinani

18) Niye Pano xupe Khristomiyo piyesukeu kuvu lo xupuzu Khristo kimiyeno alokivi eno azukuvu kuxu lo xunishi ani

Iye Moe

## Kungu inju puakeqo achipilo khochile tsulo!



**Tilehi kihisuvani keghenguno oje, email eno thepiu kikihi sulou.**

Owu akiphi kichekutsu KUMUSA no ithuluni keghenguno "Sulou" lo inalo.

Oje :			
Owu Email :			
Thepiu kikihi :			
Okungo-a :			
Aphugui, District :	State :	Aghaqhu :	
Pin :	Apunu mpe amqo:	Gender :	

Anile shi no kusutsa nikeu tipau tsulou